

爲八條院三位局於笠置修善願文

明曉科今日午就被仰仍草之了

敬白。奉書寫供養瑜伽論一部百卷。右笠置寺者。彌勒慈尊利生之砌也。天智之皇子拓基。地勢之勝甲被世。五十丈之像。忽形神功於石背。五百廻之餘。未變佛儀於山腰。其傍有萬仞溪。其底有千手窟。諱之希夷。絕于常篇。弟子。蒙八條院之優容。及五旬族之暮齒。一日未能離仙洞之中。餘年亦可盡恩澤之裏。仙藁之殖善根也。常雖受餘薰於功德之林。弟子之落鬢華也。偏雖期後榮於并之種。營々而世霧未絕。心月被妨。忽々而夕日若傾。厚夜何爲。遇大智之淨侶。談來世之依怙。隨其教誘。企此惠藥。爲安笠置寺。令寫瑜伽論。金伴新來。筆功甫就。今之攀躋。敬以供養奉。一百軸之文。草座之點露垂。十七地之義。英辨之詞永解。□伽藍兮延百僧。軼于見玄卦法師翻譯之儀。先孟蘭兮纔三日。超于修韋提夫人濟度之苦。今日之精勤者。當來之

肝要也。先捧上方奉資美福門院御共。懷舊淚深。常有遺恩之未忘。作善功積。何疑妙果之速證。被催懇志。奉增飾。又奉祈八條女院二世御願矣。久俟座□於娑婆界。可夙夜于百二十年之間。遂遷仙駕於兜卒天。欲追從于四十九院之內。加之故禪定皇孫。戀慕之心未休。出離之道宜成。過去双親。證得三明。弟子。殊歸當寺。將赴淨域。宜以今勤。永爲年事。遙延鵠椿之齡。彌添薰修。願期龍苑之曉。必可值遇。抑三界六道者。皆是生々之故鄉也。胎卵濕化者。豈非世々之親族哉。以此一善救彼群類。

正治二年七月日

弟子比丘尼敬白